

در سعادتده باب عالی جوارزنده
داره مخصوصه

محل اداره :

مُشَاطِقَتِ

۱۳۲۶

اخطار :

مسکونه موافق آثار جدیده مع المنوبه
قبول او انود
درج ایدیه بن آثار اعاده او انود

دیر، فلسفه، علوم، حقوق، ادبیات و سیاسیات و باطالع کرم سیاسی و کرم اجتماعی و مدنی احوال و شئون اسلامیه و بحث ایدر و هفته ده بر نشر انور.

در سعادتده نسخه سی ۵۰ پاره در

صاحب و مؤسسلری :

ابوالعلا زین العابدین - ح . اشرف ادیب

آبونه بدلی

سنه لکی التي آبلتی

مالک عثمانیه ایچون	۸۰	۴۰	غروش
روسیه	۶۰	۳۰	روبله
سائر ممالک اجنبیه	۱۷	۹	فرانق

تاریخ تأسیسی

۱۰ تموز ۳۲۴

قبرله دن مقوا بورو ایله کوندریلیرسه سنوی
۲۰ غروش فضله آلیر

در دنجی جلد

۲۵ ربیع الآخر ۳۲۸ یخمنیه ۲۲ نیسان ۳۲۶

عدد : ۸۷

نفسیه شریف

انوار آن

دیباچه

حمد الله که الطافی عمیم
خالق منعم رحمن رحیم
خوان احسانی کشاده هر دم
فیض لطفی ایله قائم عالم
ذات اعلا سیدر انجق معبود
انی تقدیس ایدر هر موجود

شوق و فریاد ایله هر لحظه و آن
ذکر و تسبیحده هپ کون و مکان

مالک روز جزادر او خدا
فرق اولمازه هیچ او کون شاه و کدا

جله دمیسته خشیقدر او کون
ظالمه نکبت و خیتدر او کون

نه مدد وار نه شفاعت نه پناه
دهشت افزادر او کون حکم الله

سوردرز و جهیزی ایل و نهار
خاک درگاهنه باشوق و مسار

شامل الفیضدر اول رب صمد
کرمشدن دیلهرز عون و مدد

یا الهی نعمک مزداد ایت
سعدا مسالکنه ارشاد ایت

باقه عصیانمزه رب کریم
ایله شایسته جنات نعیم

بعد ذل روح نبی حرمه
رهبر امت اولان محترمه

اولسون انواع صلاة و تکریم
آل و احبابنده بیک تعظیم

کتاباه بر نظم دلنشین ذی کالدر . الک عالی حقائق کوستر ،
سلسله بشریتک ازل طوغری منتهی اولدینی وحدت اصلیه ایله
فطرته کی تساوی ره رمز و اشارت ایتدکن صکره مایه خلقتجه بری
برینه مساوی بولنان افراد بشرک شرف و عزتلی و یکدیگری اوزرینه
فضل و رجحانلی انجق صلاح و تقوی ایله اولدینی و بونکله ترین
وجدان و افعال ایتیانلرک شایسته افتخار بر قیمتلی بولندینی بیان ایله
قلوب و اذهانده حس و فکر معالی و فضائل او یاندیرر . «یا آیه الناس
اَنَا خَلَقْنَاكُمْ مِنْ ذَكَرٍ وَأُنْثَى وَ جَعَلْنَاكُمْ شُعُوبًا
وَ قَبَائِلَ لِتَعَارَفُوا إِنَّ أَكْرَمَكُمْ عِنْدَ اللَّهِ أَتْقٰیكُمْ» .

بتون اقوام جهانی سمت صلاح و فلاحه دعوت ایدر . انسانلری
افعال خیریه مصالح دنیا و عقبایه ارشاد ایلر . عدل و احسانی ، کسب
و تجارتی امر ایدر . «إِنَّ اللَّهَ يَأْمُرُ بِالْعَدْلِ وَالْإِحْسَانِ» ،
«فَاتَّقُوا اللَّهَ فِي الْأَرْضِ وَابْتَغُوا مِنْ فَضْلِ اللَّهِ» .

مکارم اخلاقی ، تصفیة قلوبی ، حسن نیت و تفکری ، آداب معاشرتی

تعلیم ایلہ وجدانی مفتون فضائل قیلاز. (وَإِنْ تُبْدُوا مَا فِي أَنْفُسِكُمْ أَوْ تُخْفُوهُ يُحَاسِبْكُمْ بِهِ اللَّهُ) (وَلَا تَنْسُوا الْفَضْلَ بَيْنَكُمْ) ، (وَقُولُوا لِلنَّاسِ حُسْنًا) ، (وَإِنَّكَ لَعَلَى خُلُقٍ عَظِيمٍ) . معیشت اجتماعیہ نیک ارکان وقواعدی تعین بیورر . دادوستد ، معاملات و معاوضاتہ التزام راستی ایلہ حقوق ناسک یا یمال ظلم و تعدی ایدلماسنی وروی زمینده ایقاع شورش وفساد ایدرک نظام و آسایش عالمک اخلال اولنماسنی امر ایدر . (أَوْ فُؤَادُ الْمِكْيَالِ وَالْمِيزَانِ بِالْقِسْطِ وَلَا تَبْخَسُوا النَّاسَ أَشْيَاءَهُمْ وَلَا تَعْثَوْا فِي الْأَرْضِ مُفْسِدِينَ) .

جمیعتک انضباط و آسایشنی ، دوام و بقاسنی ، افرادک رفاه و سعادتنی متکفل اولان اسباب و حالاتی برر برر نظر کاه اهل عرفانه وضع ایدر . اماناتک اهلنه ویرلمسنی ، بین الانام عدل ایلہ حکم اولنمسنی و جناب حقہ و رسول اکرمہ اطاعت ایلہ برابر سرسبحه ارتباط اولان اولی الامرہ دخی اطاعت و انقیادی امر ایلر . (إِنَّ اللَّهَ يَأْمُرُكُمْ أَنْ تُؤَدُّوا الْأَمَانَاتِ إِلَى أَهْلِهَا وَإِذَا حَكَمْتُمْ بَيْنَ النَّاسِ أَنْ تَحْكُمُوا بِالْعَدْلِ) ، (اطِيعُوا اللَّهَ وَاطِيعُوا الرَّسُولَ وَأُولِيَ الْأَمْرِ مِنْكُمْ) .

آشنایان اسرار فطرت ، واقفان صوالح امت بولنسان اهل علمی جابجا توقیر و اعزاز ایلہ انلرک جاء بلند و رفعتلرینی اقصای مراتب بشریته اعلا بیورر . کاه انلرک آثار و اکوانده تمثیل ایتش عظمت و مهابت ربانیہ بی تماشای ایدرک رهین خوف و خشیت اولدقلرینی بیان ایلہ ادراک معالیده کی منزلتلرینی و کاه استطاعت علمیه لریلہ استنباط احکام ایلدکلرینی بیان بیورده رق انلرک قوه فائقه عرفانلرینی کوسترر . (يَرْفَعُ اللَّهُ الَّذِينَ آمَنُوا مِنْكُمْ وَالَّذِينَ أُوتُوا الْعِلْمَ دَرَجَاتٍ) ، (إِنَّمَا يَخْشَى اللَّهَ مِنْ عِبَادِهِ الْعُلَمَاءُ) ، (وَتِلْكَ الْأَمْثَالُ لَضَرِبُهَا لِلنَّاسِ وَمَا يَعْقِلُهَا إِلَّا الْعَالِمُونَ) ، (وَلَوْ رَدُّوهُ إِلَى الرَّسُولِ وَإِلَى أُولِيَ الْأَمْرِ مِنْهُمْ لَعَلِمَهُ الَّذِينَ يَسْتَنْبِطُونَهُ مِنْهُمْ) .

وطن و دیار منری استیلایه تصدی ایدن محاربلردن ماعدا هیچ بر فرد انسانی ایلہ حب و موالاتدن وعدل و احسان ایلہ معاملهدن منع ایتمز . انحق راحت و سکونه طالعش اولدیفنی دشمن اکلا رسه دیار منزه استیلا طعمیلہ هجوم ایده جکنه وشو حاله کوره حربہ حاضر و مهیا بولنق حصول امن عمومی به باعث اوله جفنه مبنی قوای حربیه نیک اعداد ایدلمسنی شدتله امر ایدر . (وَاعِدُوا لَهُمْ مَا اسْتَطَعْتُمْ مِنْ قُوَّةٍ وَمِنْ رِبَاطِ الْحَيْلِ) ، (لَا يَنْهَيْكُمْ اللَّهُ عَنْ الَّذِينَ لَمْ يُقَاتِلُوكُمْ فِي الدِّينِ وَلَمْ يُخْرِجُوكُمْ مِنْ دِيَارِكُمْ أَنْ تَبَرُّوهُمْ وَتُقْسِطُوا إِلَيْهِمْ إِنَّ اللَّهَ يُحِبُّ الْمُقْسِطِينَ) .

طهارت و نظافتی و دستور عافیت بولنان جوامع الکلم ایلہ اسباب صحتہ عائد اموری تعلیم ایلر . (مَا يُرِيدُ اللَّهُ لِيَجْعَلَ عَلَيْكُمْ مِنْ حَرَجٍ وَلَكِنْ يُرِيدُ لِيُطَهِّرَكُمْ وَلِيُتِمَّ نِعْمَتَهُ عَلَيْكُمْ لَعَلَّكُمْ تَشْكُرُونَ) ، (وَكُلُوا وَاشْرَبُوا وَلَا تُسْرِفُوا) .

علوم و فنونک فتوح و کشفیاتی تزايد ایتدجکه او کتاب مکرمک علو و رفعتی قات قات نمایان اولور . کونلرجه قطع اولنه بیلجک مسافاتک بر قاج ساعتده طی اولنمسی وبری برلرینه آیلرجه بعدی بولنان ایکی محاکم بیننده لحظه ده محاربه ایدلمسی کی نیجه اشیا و قتیلہ محالاتدن عد اولنور ایکن بینایی ظهوره کلن حادثات علمیه بونلرک ممکن اولدیفنی بزه رأی العین کوستریور . وطی زمان و مکانه دائر وقت اوائلده اذهان مشرکینک بروجه ایلہ قبول ایتدیکی اخبارات قرآنیہ نیک کوندن کونه کشف اولنمقده اولان سرار فطرتہ نظراً تحت قدرت الهیه ده بولندیغه شهادت ایدیور . (وَسَحَّرَ لَكُمْ الشَّمْسَ وَالْقَمَرَ دَائِبَيْنِ وَ سَحَّرَ لَكُمْ اللَّيْلَ وَالنَّهَارَ وَ آتَيْكُمْ مِنْ كُلِّ مَا سَأَلْتُمُوهُ وَإِنْ تَعَدُّوا نِعْمَتَ اللَّهِ لَا تَحْصُوهَا إِنْ إِلَّا نَسَانٌ لَظَلُومٌ كَفَّارٌ) .

وظائف بشریه بی ، بین الانام حقوق متقابلہ بی ، اکتساب فضائلک منافع خاصه و عامه سنی و کبر و غرور ، حسد ، طمع ، خیانت ، ظلم و اعتساف ، ریا و سمعه کی رذائلدن لزوم اجتنابی کال بلاغت و حکمت ایلہ تقریر و بونلری امثال ایرادی و کدشتکان اقوامک قصص و حکایاتی و عواقب احوالی ایلہ توضیح و تنویر ایلدجکه قلوب مستمعیندن برحس طاعت و انقیاد قوران ایدر . بو کتاب مکرمک معنای ظاهری صبیان و عوامه قدر جمله اهل لسان اکلاز و خواص انک مضامین علیہ سنده نیجه اشارات سریه ، نیجه آیات تکوینیہ به ، نیجه خفایای حظائر قدسه ، نیجه خبیای سرار انسه مطلع اولور . دوز طولاشور ، هر موضعنده تکرار تکرار و وظائف بشریه نیک اقدس و اقدنی خالق تعالی حضرتلرینی بیلمک و ذات الوهیتنه عبادت و عبودیت ایتک اولدیفنی بیان بیورر . سلسله حادثاتک فوقده ، وجود ظلیلرک ماوراسنده ، قوانین کونیہ و علل و اسباب مادیہ نیک ازلا و ابدآ نهایتده اولوب بتون اقسام کائناتی تحریک ایدن برنجی بر قوه محرکه نیک ، برحی قیومک وجودیتہ عقولی ارشاد وشو منبع فیض کامل و مکملک عشق و شوقیلہ کولکلری نالان ایدر . (اللَّهُ لَا إِلَهَ إِلَّا هُوَ الْحَيُّ الْقَيُّومُ) .

الفاظ جزله ایلہ روز جزانک و عذاب ججیمک احوال هولنا کنی و الفاظ رقیقه ایلہ رحمت و مغفرت ، لطف و تسلیت بیان ایدن بو نظم شریف ترتیل اولنور ایکن کاه نسیم کی خفیف خفیف وزان و کاه موجه موجه انوار معنویه پرتو فشان اولمقله کولکلر برنشوه روحانی ایلہ لبریز مسرت و کاه رعد و برق ایلہ مترافق نزول ایدن باران ها طل کی دهشت آور اوله رق یورکلر اندیشه عقابہ عزیز ذی انتقام ایلہ غرقه خشیت اولور .

الحاصل ماورای سرادقات جلالند ظهور ایتش بر کتاب قدرت.. فصاحت و بلاغت خارق العاده سنه جهان بلاغت مقتون. بر شمس درخشان الهی.. لمعات قدسیه سیله عظمت ربانیه، عجائب ملک و ملکوتی سیر و تماشا ایتدیر، انک فیض انواریله عقول فضاء نامتاهی عوالمده جولان ایدر. بر بدرقه هدایت که انسانه دارینده کی سلامت و سعادت یولارینی کوستر.

وارایکن قرآن کبی بر آسانی معجزه

آشایان حقائق بشقه برهان ایسته من

صدر اسلامده مسلمین بلاغت قرآنیه ده کی خواص و اسرار ی سلیقه عربیه لرله فهم ایدرلردی. قرآنک لطف اسالیب، عذوبت بیانی انلرک احتساسلرینی تهزیز ایدر و مواعظیه یورکاری سوزان اولوب کندیلرندن کچرلر ایدی. قیون کودن بر چوبان بیلله جاذبه قرآن ایلله مسلوب الاختیار اوله رق کتاب الهی استماع ایلدیکی زمان قالقوب سجده قیونور ایدی. صکره نطق اسلام توسع ایدرک عرب اعاجم ایلله اختلاط ایدنجه اوسلیقه نجیه زائل اولدی. علماء صدر اول ایسه قلوب ناسی اسلامه جذبده قرآن کریمک فوق مایصور تاثیرینی کوره رک اسلامک انجق بونقیسه بلاغت ایلله حفظ و حراست اولنه بیلله جکفی تیقن ایتشلردی. بونک اوزرینه ملکه ذوق عربی ایلله انک تمبه ایلدیکی رقت شعور و لطف وجدان کبی فهم قرآنک موقوف علیهی اولان اموری ساحه حصوله ایصال ایچون لغت عربیه یی مفرداتی و اسالیب و آدابیه ضبط و جمعه مشابرت ایدرک فنون مقتضیه یی تدوین ایتدیلر و قرن ثالث هجریده تفسیر یازلمغه ده باشلانیدی.

دین حق بشقه جه اثباته هیچ حاجتی وار

غرق انوار ایلدور قرآن دمامد علمی

برکت زاده

اسماعیل حق

تاریخ اسلامیت

نام مستعار بیلدور دوقنور «دزی» نلک ترکیبیه مترجم رساله سنه

فارسی ربه

— ۱۵ —

دین مبین اسلام توحید الوهیتله برابر توحید ربوبیت اساس عظیمی ده نفوس بشریه ده قرارلشدیرمق ایچون بوتون انواع شرکی تحریم ایتش، خلاق متعالمک غیر یسینی کائناتده تاثیر و تصرف صاحبی، قوللره ایراث نفع و ضرر خصوصنده آنک وکیل و ناای اعتقاد ایتسکده اصلا مساعده کوسترمه مشدر. بیانات نرقانییه کوره نوامیس کونییه، سعادت و شقاوت بشریه یکسوق برانتظام تام اوزره جاری اولمقددر. بناء علیه احیا و اماته کبی ترزیق و تسلیب [۱] و تنعم و تعذیب

[۱] هر شیئه بر خاصه و طبیعت و بره رک مسیباتی اسبابه کوره وجوده کتیرمک، (تعبیر آخرله) کائناتده غیر قابل تحویل بر سنت جاریه تعیین ایلهمک «ولن تجد لسنة الله تحویلا» [موائد الانعامه باق]

دخی خصائص الهیه دن اولوب هیج بر فرد بو طاقم امور واحوال بشریه یی کیف مایشاء حصوله کتیرمه دیکی کبی - مقامی نه قدرعالی اولورسه اولسون - اذن الهی اولمادقجه نزد سبجانیده شفاعته ده جرأت ایدر من. بونک خلافتی اعتقاد ایتک، حکمت الهیه اقتضاسنجه مناط تاثیر قللمان اسباب ظاهر و خارجنده بر کیمسه یی قدرت تسخیریه مالک بیلیمک شرک و ضالالدر.

ایسته اسلامیت بو حقیقتی تنویر ایدرک بو سایه ده سلامت بشریه یی تأمین ایتسکده در. چونکه اعتقاد شرک سبیلله قبل الاسلام بی نهایت ملل و اقوام گرفتار شقاوت اولمقدده ایدی. بو اعتقاد باطل کندی اراده سنی ابنای جنسندن بر کیمسه نلک اراده سیله تقید ایدرک انسانی سعادت مطلوبه ده ال بیوک، مؤثر اولان اراده ذاتیه دن محروم ایدیور. بو اعتقاد باطل انسانک مضرت و منفعت تولید ایدن اسبابی، ترقی و تدنی حصولنده مطردالجریان بولنان سنن الهیه یی ادراک ایتسسه مانع حائل اولور. بو اعتقاد باطل عقل و فکری تدهیش ایلله انسانی قورقوله جق شیلردن خائف، ممتنع الحصول اولان شیلری امیدوار قلیور. بو اعتقاد باطل حریت فکریه و حرکات استقلالیه دن محروم ایدرک انسانی ذلت و حرمانه دوشور یور.

اعتقاد شرکک بوشعه سی طوائف بشریه ایچنده شعبات سائر سندن زیاده انتشار و امتداد ایتشدر. بناء علی هذا اسلامیت بونک محو و ازاله سنه هر عنایتک فوقنده بذل عنایت ایدیور. بر چوق کیمسه لرک توهم ایتدکلری کبی قرآن عظیمک کمال شدتله تقیح و تلغین ایتدیکی کفر وجود خالق انکار یا خود تخلیق و ترزیده کنیسنه اشتراک ایدر الهیه سائر اثبات ایتسکدن عبارت دکلد. چونکه کفرک بو درلوسنی التزام ایدن جهلای ناس هر زمان و مکانده نسبه آز بولنمقددر. مکرم قوم عرب، کرک اسلامیتک انتشار ایتدیکی اقوام سائر اراسنده شایع اولان شرک سالف الذکر شعبه دن عبارتدی. مشرک لارک اکثریت حائز اولان صنوفی «ولئن سألتهم من خلق السماوات والارض لیقولن الله» نظم عالیه یی مفاد نجه عالم اکوانک خالق و مبدعی بر در. انجق کنیدیسی غیب مطلق اولسی حسبیلله اثنای عبادتده بعض مظاهر قدرت باهره سی وجهه عباد قلنمق اقتضا ایدر دیورلر، بر زعم باطل ایجاب نجه ذی روح و بی روح نوعلرندن بعض مخلوقاتی مظهر قدرت باهره اعتقاد ایدرک جناب باری ایلله عبادی اراسنده واسطه نفع و ضرر اتخاذ ایدیورلردی. شیاطین الانس و الجن طرفندن ده «اوت! عامه ناسک کثرت ذنوب و خطایسی حسبیلله اله الا له درگاه عالیه رفیع حاجات ایتلری لائق اولیوب عظمای ملوک و سلاطین شان والالری کبی مقربینی وسائط اتخاذ اولنمغه لزوم واردر» دییه رک بو فکر باطل ترویج اولنمقدده ایدی.

بو فکر ظاهراً تعظیم الهیه مستند بولنیورسه ده قرآن کریمده کفر صریح عد اولنهرق مروج لرینک شبهه سی تزئیف بیورلمشدر. بوکا دائر بر قاج آیت کریمه اوقویه لم. (انا انزلنا الیک الکتاب بالحق فاعبد الله... والذین اتخذوا من دونه اولیاء